

Segun acuerdo, DOW lo pone un tereno na disposicion


Lo traha un parkeerplaats cu lo ta disponibel pa tres hotel pareu

**Mas espacio pa parkeer ta bay bin na Palm Beach*

ORANJESTAD (AAN): Pedro Vera, St. Regis Hotels & Resorts Aruba a duna di conoce durante un encuentro cu prensa cu nan a firma cu Gobierno di Aruba e acuerdonan nobo pa loke ta e desaroyo di e hotel, apenas un aña pasa. E permisonan di construcion a wordo adkiri un tres luna pasa. Aworaki e proyecto ta andando cu loke ta e movimiento di tera.

Vera a laga sa cu e tereno unda e hotel ta bay wordo construi tabata propiedad di e empresa Caledonia, cual tabata tin otro propietario. El a bisa cu pa motibonan di benta, e empresa ta caba den man di Starwood.

Algun aña pasa, Marriott a adkiri Starwood. Ora di ad-



kiri Starwood ta bira doño di e tereno aki, a bisa. Starwood tin caba 10 hotel cu e cadena Marriott, entre otro na Bonaire, Turk & Caicos, Venezuela, Bermuda. Starwood a yega na un acuerdo cu Marriott y Marriot a pone e tereno disponibel pa desaroya St.

Regis aki na Aruba, Vera a indica.

El a sigui bisa cu e gobierno di Aruba tabata desea un hotel luhoso. Mas 'upscale' posibel y St. Regis ta e marca mas 'upscale' cu Marriott tin na e momentonan aki, a agrega.

Pedro Vera a señala cu nan

a presenta un plan maestro na Gobierno relaciona cu e parke (Signature Park) cu tin banda di e hotel. Actualmente e parke aki tin 84 vak pa parkeer.

E proyecto tin contempla pa construi un warda di polis nobo. Muda strand-politie di e lugar actual y amplia e cantidad di vak pa parkeer di 84 pa 140.

Tin un compromiso cu gobierno cu ainda mester caba di firma, cu participacion di tres hotel mas, di construi un parkinglot ariba un tereno cercano cu gobierno lo pone disponibel, e director di St. Regis Hotels & Resorts Aruba a manifesta.

E hotel mes, tin pa vak pa parkeer di loke DOW ta stipula y adicionalmente, tin e compromiso pa con-

strui mas vak entre tres hotel (Divi Phoenix, St. Regis y RIU Antillas) den un tereno cu DOW lo entrega.

Mirto Martis, Counselor di e proyecto, a declara cu a cambio den e industria hotelero y St. Regis y Ritz Carlton ta hotelnan cadenanan di calidad halto.

Nan tin guestnan cu ta pa hopi aña ta cu e compania. Tin biaha ta traha di famianan, generacionnan cu ta keda na e hotel y ta huur 5 camber separa di otro. Nan kier un cas cu henter e familia por keda hunto.

Esey ta un niche nobo den e mercado cu e proyecto aki ta incorpora ora di construi 22 residencia den e propiedad. Esaki ta un mercado nobo pa Aruba, a splica.